



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-615-4/22**
Datum: **04.01.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «MGV GRADNJA» d.o.o. Zavidovići za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izvođenja radova na eksploataciji i preradi mineralne sirovine-krečnjaka na lokalitetu kompleksa kamenoloma i asfaltne baze «Sokolica», grad Zavidovići, na osnovu člana 109. stav (1) tačka 2., stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu, «MGV GRADNJA» d.o.o. Zavidovići za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izvođenja radova na eksploataciji i preradi mineralne sirovine-krečnjaka na lokalitetu kompleksa koga čine: površinski kop «Sokolica», postrojenje za separaciju, asfaltna baza 30t/h, interna benzinska pumpa te prateći objekti izgrađeni na zemljištu označenom kao k.č. broj: 699, 700/1, 700/2, 701/1, 701/2 te dio k.č. broj: 701/36, 698, 703/1 i 703/31 K.O. Mitrovići, grad Zavidovići.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode za sanitarne i tehnološke potrebe i ispuštanje sanitarno fekalnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, u skladu sa članom 139. stav (2) tačka 1. i 2. Zakona o vodama ili grad, ukoliko je kantonalnim propisom prenesena nadležnost na grad, shodno stavu (3) istog člana Zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 3.1. Da se korištenje predmetnog kompleksa objekata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, za vrijeme trajanja ove dozvole, obezbijedi da se tehnološke otpadne vode nastale obaranjem prašine zajedno sa oborinskim zamuljenim vodama sa prostora kamenoloma «Sokolica» nesmetano prikupljaju sistemom zemljanih obodnih kanala te odvođe na tretman u prirodne taložnike a zatim tretirane vode ispuštaju u rijeku Otežnu.
 - 3.3. Da se poduzmu sve potrebne mjere kojima bi se obezbijedilo da prikupljene prečišćene otpadne vode, prije ispuštanja u krajnji recipijent – rijeka Otežna (mjerno mjesto E1), ostanu u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Da se zemljani obodni kanali koji se koriste u svrhu prikupljanja i odvodnje onečišćenih voda sa prostora površinskog kopa redovno održavaju i koriste na takav način koji će obezbijedi njihovu potpunu ispravnost i funkcionalnost. O načinu i vremenu radova čišćenja i održavanja kanala neophodno je voditi službenu evidenciju i arhivu.
 - 3.5. Da se, za vrijeme trajanja ove dozvole, obezbijedi da se tehnološke otpadne vode sa pripadajućih slivnih površina (plato za pranje vozila, radne i manipulativne površine) nesmetano prikupljaju putem slivne rešetke i kanalizacione mreže te odvođe do objekta predviđenog za tretman tehnoloških otpadnih voda (separator ulja i masti) a zatim ovako tretirane vode, preko okna za monitoring, ispuštaju u rijeku Otežnu.

- 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u krajnji recipijent – rijeka Otežna (mjerno mjesto E2), ostanu u maksimalno dopuštenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na dva mjerna mjesta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.8. Skladištenje bitumena vršiti u dva nadzemna rezervoara kapaciteta $2 \times 25 \text{ m}^3$, lož ulja u rezervoaru kapaciteta 15 m^3 te nafte za internu upotrebu u nadzemnom rezervoaru kapaciteta 20 m^3 .
- 3.9. Da se za vrijeme trajanja ove dozvole izgrade nepropusne betonske tankvane ispod rezervoara bitumena i lož ulja (plato asfaltne baze) i ispod nadzemnog rezervoara nafte (plato ispred upravne zgrade) u cilju prihvata rasutog ulja, bitumena ili nafte a u slučaju eventualnog prosipanja ili curenja.
- 3.10. Da se objekti koji se koriste u svrhu prikupljanja, odvodnje i tretmana otpadnih voda nastalih u krugu kompleksa (obodni kanali, slivnička rešetka, taložnici, separator ulja i masti, kanalizaciona mreža...) redovno održavaju i koriste na takav način koji će obezbijedi njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
- 3.11. U blizini interne benzinske pumpe, osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.12. Opasni materijal i otpad nastao u toku eksploatacije i rada kompleksa kao ni talog (mulj) iz taložnika i separatora se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
- 3.13. Čišćenje i pražnjenje uređaja za tretman otpadnih voda, odnosno taložnika i separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.14. Da se redovno vrši skupljanje čvrstog opasnog i neopasnog otpada sa kompletnog kruga kompleksa, isti propisno skladišti do njegovog konačnog zbrinjavanja od strane ovlaštene organizacije.
- 3.15. Da se obezbijedi siguran način skladištenja ulja, maziva i eksploziva u natkrivenoj, namjenski izgrađenoj prostoriji sa podnom pločom izvedenom od vodonepropusnog betona otpornog na dejstva hemikalija.
- 3.16. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim i štetnim materijama (eksplozivna sredstva i sl.) nastalim na predmetnom lokalitetu te adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode.
- 3.17. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik kompleksa objekata je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata

zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima i radnom prostoru predmetnog kompleksa objekata obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
8. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «MGV GRADNJA» d.o.o. Zavidovići, obratilo se ovoj Agenciji dana 09.11.2022. godine sa zahtjevom za izdavanje vodne dozvole za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izvođenja radova na eksploataciji i preradi mineralne sirovine-krečnjaka na lokalitetu kompleksa koga čine: površinski kop «Sokolica», postrojenje za separaciju, asfaltna baza 30t/h, interna benzinska pumpa te prateći objekti izgrađeni na zemljištu označenom kao k.č. broj: 699, 700/1, 700/2, 701/1, 701/2 te dio k.č. broj: 701/36, 698, 703/1 i 703/31 K.O. Mitrovići, grad Zavidovići.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji broj: 043-0-Reg-11-000968 izdatog dana 01.09.2011. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 23.09.2011. godine od strane Porezne uprave – Kantonalni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-35-609-21/11 izdatog dana 11.10.2011. godine od strane Uprave za indirektno – neizravno oporezivanje Banja Luka,
- Kopija Rješenja o vodnoj dozvoli broj: UP-I/25-3-40-582-4/17 izdatog dana 07.11.2017. godine od strane «Agencije za vodno područje rijeke Save» Sarajevo,
- Kopija Rješenja o okolišnoj dozvoli broj: UPI 05/2-23-11-217/17 SN izdatog dana 17.01.2018. godine od strane Federalnog ministarstva okoliša i turizma,
- Kopija Ugovora o koncesiji broj: KC 004/01 zaključenog dana 22.05.2001. godine između IP «KRIVAJA» d.d. Zavidovići i Ministarstva za privredu Zeničko-dobojskog kantona,
- Kopija Anex-a 1 koncesionog Ugovora broj KC 004/01 zaključenog dana 02.08.2006. godine između GP «KRIVAJA» d.o.o. Zavidovići i Ministarstva za privredu Zeničko-dobojskog kantona,
- Kopija Anex-a I koncesionog Ugovora broj KC 004/01 zaključenog dana 02.08.2006. godine između GPD «KRIVAJA» d.o.o. Zavidovići i Ministarstva za privredu Zeničko-dobojskog kantona,
- Kopija Anex-a II koncesionog ugovora broj: KC 004/01 zaključenog dana 05. augusta 2016. godine između «MGV GRADNJA» d.o.o. Zavidovići i Ministarstva za privredu Zeničko-dobojskog kantona,

- Kopija Odluke broj: 02-18-36863/05 donesene dana 29.12.2005. godine o prijenosu koncesije za istraživanje i eksploataciju krečnjaka na ležištu «Sokolica» sa IP «KRIVAJA» d.d. Zavidovići,
- Kopija Odluke broj: 02-18-13075/16 donesene dana 14.07.2016. godine o izmjenama i dopunama Odluke o dodjeli koncesije sa GPD «KRIVAJA-GRADNJA» d.o.o. Zavidovići na «MGV GRADNJA» d.o.o. Zavidovići,
- Kopija Rješenja o odobrenju izvođenja radova po Dopunskom rudarskom projektu eksploatacije krečnjaka broj: Up/I broj: 07-18-193/01 izdatog dana 27.03.2001. godine za IP «KRIVAJA» d.d. Zavidovići od strane Federalnog ministarstva energije, rudarstva i industrije,
- Kopija Rješenja o odobrenju obavljanja djelatnosti iz oblasti rudarstva broj: Up/I broj: 07-18-774/01 izdatog dana 04.07.2002. godine za IP «KRIVAJA» d.d. Zavidovići od strane Federalnog ministarstva energije, rudarstva i industrije,
- Kopija Rješenja o odobrenju za upotrebu rudarskih objekata, postrojenja i uređaja na PK Sokolica broj: Up/I broj: 07-18-583/02 izdatog dana 26.05.2003. godine za IP «KRIVAJA» d.d. Zavidovići od strane Federalnog ministarstva energije, rudarstva i industrije,
- Kopija Izvještaja o monitoringu kvaliteta i kvantiteta otpadnih voda broj: 7-612-5402/22, novembar 2022. godine urađen od strane «TQM» d.o.o. Lukavac,
- Studija o ekonomskoj opravdanosti dodjele koncesije za istraživanje i eksploataciju tehničko-građevinskog kamena krečnjaka na lokalitetu Sokolica, općina Zavidovići broj: 835-III/22, mart 2022. godine urađena od strane «Rudarsko projektovanje» d.o.o. Tuzla (na uvid),
- Projekat izvedenog stanja-hidrotehnička faza za kamenolom «Sokolica» Zavidovići, urađen od strane «URBIS CENTAR» d.o.o. Banja Luka, august 2017. godine (na uvid),
- Kopija Ugovora o izvođenju radova na čišćenju separatora zaključenog 20.06.2022. godine između «MGV» d.o.o. Zavidovići i «DELTA PETROL» d.o.o. Kakanj (prilog: račun o čišćenju od 20.11.2022. godine),
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-582-4/17 od 07.11.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva. Na osnovu očitovanja Službe za prikupljanje prihoda od vodnih naknada od 15.11.2022. godine konstatovano je da podnosilac zahtjeva «MGV GRADNJA» d.o.o. Zavidovići redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog kompleksa «Sokolica», grad Zavidovići te je sačinjen zapisnik o izvršenom uviđaju broj: UP-1/21-3-40-615-3/22 od 15.12.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće: Kamenolom «Sokolica» smješten je na istoimenom brdu Sokolica koje pripada području sjevernih padina planine Udrin. Nalazi se 12km južno od centra Zavidovića. Sa sjeverne strane, lokalitet kamenoloma omeđuje rijeka Otežna - lijeva pritoka rijeke Gostović. Eksploataciono polje ležišta kamena krečnjaka zauzima površinu od 32,87ha i definisano je sljedećim koordinatnim tačkama:

Prelomne tačke	Y	X
A	6 512 790	4 912 580
B	6 513 430	4 912 870
C	6 513 370	4 913 150
D	6 513 070	4 913 150
E	6 513 000	4 913 115
F	6 512 900	4 913 190
G	6 512 550	4 912 980

U sklopu kompleksa kamenoloma locirano je postrojenje za separaciju, asfaltna baza kapaciteta 30t/h (nije u funkciji), mehaničarska radionica, plato sa kanalom za pranje vozila, upravni objekat sa sanitarnim čvorom, interna benzinska pumpa, magacin rezervnih dijelova, kontrolni objekat sa kolskom vagonom, trafostanica, deponije drobljenog kamenog materijala. Na predmetnom lokalitetu se vrši eksploatacija kamena krečnjaka, njegovo drobljenje i mljevenje te izdvajanje po frakcijama. Godišnji kapacitet površinske eksploatacije i prerade krečnjaka je cca 82 000m³/god.

Za obezbjeđenje potrebnih količina vode za sanitarne potrebe uposlenih kao i vode za tehnološke potrebe (obaranje prašine, pranje strojeva i blokova...) kaptirana su izvorišta na dva lokaliteta. Sanitarne fekalne vode se prikupljaju u septičku jamu.

Oborinske zamuljene vode koje nastaju ispiranjem radnih i transportnih površina sa platoa površinskog kopa «Sokolica» kao i vode od obaranja prašine se sistemom otvorenih obodnih kanala slijevaju u prirodne taložnike a potom se prečišćene vode, preko okna za monitoring, ispuštaju u rijeku Otežnu.

Otpadne vode nastale prilikom hlađenja mašina, pranjem blokova i utovarno-transportnih strojeva koje se obavlja na betonskom platou sa izvedenim kanalom sa slivnom rešetkom se odgovarajućim cjevovodom odvođe na tretman u separator ulja i masti. Prečišćene vode se, preko okna za monitoring, ispuštaju u rijeku Otežnu. Održavanje mehanizacije (remont, zamjena ulja, veći popravci...) se vrši u centralnoj radionici na drugoj lokaciji (u centru grada - sjedište firme).

U sklopu kompleksa, locirana je asfaltna baza proizvođača «Gradis» Ljubljana, tip SB40 kapaciteta 30t/h koja nije u funkciji duži vremenski period. Skladištenje bitumena vrši se u dva nadzemna rezervoara kapaciteta 2x25m³, te lož ulja u rezervoaru kapaciteta 15m³. Oko rezervoara nije izgrađena zaštitna tankvana. U sklopu poslovnog kompleksa (na platou ispred upravne zgrade) zadržan je jedan nadzemni rezervoar goriva ukupne zapremine 20m³. Gorivo iz ovog rezervoara koristi se isključivo za potrebe vlastitih manevarskih mašina i vozila.

Monitoring otpadnih voda se vrši redovno na dva mjerna mjesta (E1 i E2). Uz zahtjev dostavljen Izveštaj o monitoringu kvaliteta i kvantiteta otpadnih voda urađen u novembru 2022. godine od strane «TQM» d.o.o. Lukavac. Ispitivani parametri na oba mjerna mjesta zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Za eksploataciju kamena krečnjaka na predmetnom kamenolomu zaključen je Ugovor o koncesiji broj: KC 004/01 dana 22.05.2001. godine (Anex I – 2006. godine i Anex II - 2016. godine) sa Ministarstvom za privredu Zeničko-dobojskog kantona na period od 25 godina.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, «MGV GRADNJA» d.o.o. Zavidovići, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izvođenja radova na eksploataciji i preradi mineralne sirovine-krečnjaka na lokalitetu kompleksa kamenoloma «Sokolica», grad Zavidovići, te je riješeno kao u dispozitivu ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-615-2/22 od 05.12.2022. godine.

Podnosilac zahtjeva je uplatio upravnu taksu u iznosu od 70KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata

Haris Ališehović

Haris Ališehović, dipl.ing.građ.



Dostaviti:

- «MGV GRADNJA» d.o.o. Zavidovići
Tvornička bb, 72220 Zavidovići
- AVP, ISV – Vodna knjiga
- Sektor 50,
- ④ Sektor 40, arhiva
- oglasna ploča – AVP Sava